

SOCIETÀ LÖ D'INSCUNTER LAVIN



Invid a la radunanza generala 2020

Mardi, 25 avuost 2020, 20.15 h
Chasa Cumünala, Zernez

Stimadas damas e stimats signurs

Quatras ans permettaina da Tillas/Tils invidar a la radunanza generala da la società Lö d'inscunter Chasa Fliana, Lavin.

Disposiziun tenor art. 27 Uorden 3-Covid-19

Causa la crisa da Corona nun ha lö quist on la radunanza i'l rom üsità. Our da motivs da sgürezza e d'igierna e sün basa da l'art 27 dal uorden 3-Covid-19 vegn manada tras be üna uschè nomnada «Restversammlung». Quai vuol dir, cha be la suprastanza piglia part fisic a la radunanza.

Il presidi surpiglia Fabian Schorta. Il protocol vegn scrit da Buolf Nogler e sco dombravuschs sun preschaintas Annapatrizia Richert ed Anastasia Parli.

Our da motivs da sgürezza dumandaina ad Ellas/Els commembras/commembers da la società, da na tour part a quista «Restversammlung» e d'accumplir Lur drets be in scrit.

Cun quist invid survegnan Ellas/Els la seguainta documainta:

- Formular da vuschar
- Diversa documainta ed infuormaziuns regard las tractandas

Nus Tillas/Tils dumandain incletta per quist agir in quista situaziun extraordinaria e Tillas/Tils giavüschain da'ns retuornar ils formulars originals, suottascrits legalmaing valabels, fin il plü tard las 21 avuost 2020 (buol da posta) a la seguainta adressa: Annapatrizia Richert, Bos-cha 220, 7545 Guarda. Cedlas chi aintran cun retard o cedlas chi vegnan tramissas per e-mail nu pon gnir resguardadas.

Tractandas

1. Approvar il protocol da la radunanza generala dals 27 marz 2019
2. Approvar il rapport da gestiun
3. Approvar il rendaquint 2019, rapport dal revisurat
4. Approvar il preventiv 2020
5. Approvar las contribuziuns da las commembranzas 2021

Nus Tillas/Tils ingrazchain per Lur inceltta.

Zernez, 10 avuost 2020

In nom da la suprastanza

Fabian Schorta, president

Infuormaziuns a regard las actas:

- Tractanda 1: Il protocol da la radunanza generala dals 27 marz 2019 as po leger online ed eir chargiar giò da la pagina d'internet: www.chasafliana.ch/lavin
- Tractanda 2: Il rapport da gestiun as chatta illas actas
- Tractanda 3: Il rendaquint 2019 incl. explicaziuns as chatta illas actas
Il rapport dal revisurat as po leger online ed eir chargiar giò da la pagina d'internet: www.chasafliana.ch/lavin
- Tractanda 4: Il preventiv 2020 incl. explicaziuns as chatta illas actas
- Tractanda 5: La proposta da la suprastanza as chatta illas actas resp. sùlla cedla da vuschar.

Agiuntas:

- _ Charta dal comitè regard ils cuors 2020
- _ Cuors dal Plantahof (Charta Reto Lamprecht)